



010000, Нұр-Сұлтан қ., Бейбітшілік к-сі, 11 үй
тел : 55-66-31, 55-66-35, факс: 55-72-94

010000, г. Нур-Султан, ул. Бейбитшилик, 11
тел : 55-66-31, 55-66-35 факс: 55-72-94

№
07.04.2022 № 4 ге

Тұрақты комиссияның
2022 жылғы 7 маусымдағы
қаулысы

Елорданың мектепке
жапсарлас
құрылыстарының
проблемалық мәселелері
бойынша

Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы (бұдан әрі - тұрақты комиссия) жергілікті атқарушы органның елорданың мектепке жапсарлас құрылыстарының проблемалық мәселелері туралы ақпаратын тыңдап және талқылай отырып, мыналарды атап өтеді.

Отырысқа дайындық кезінде Нұр-Сұлтан қаласы мәслихатының депутаттары (бұдан әрі - депутаттар) 2019 жылы пайдалануға берілген бірқатар мектепке жапсарлас құрылыстарды аралап, оның барысында орындалған құрылыс жұмыстарының мынадай кемшіліктерін анықтады.

«№23 орта мектеп» КММ жапсарлас құрылыс:

- физика кабинетінде парталарға электр энергиясы жеткізілмеген;
- химия кабинетінде және зертханада сору шкафы жұмыс істемейді;
- қабырғаларда сызаттар бар, жылыту радиаторлары ағып жатыр, киінетін белменің төбелерінен су ағып жатыр, көптеген кабинеттерде электр розеткалары жұмыс істемейді.

«№24 орта мектеп» КММ жапсарлас құрылыс:

- құқық белгілейтін құжаттар, техникалық паспорт, жерге акті жоқ;
- жертөледе жаңбыр кезінде жер асты сулары көтеріледі, атыс тирлерінің, желдету жүйелері жабдықтарының, ыстық сумен қамтамасыз ететін су жылыту құрылғыларының, жертөледе орналасқан электр шкафтары мен кабельдердің істен шығу қаупі бар;
- қабырғаларда сызаттар бар, бөлмелердегі сылақтар түсіп жатыр.

«№28 орта мектеп» КММ жапсарлас құрылыс:

- құқық белгілейтін құжаттар берілмеген, сондықтан мектеп «Астанаэнергосбыт» ЖШС-мен электрмен жабдықтау бойынша шарт жасай алмайды және электр энергиясы бойынша шекараны белу актісін ала алмай отыр;

- «Астана-Теплотранзит» АҚ-мен бірлесіп жылу энергиясын есепке алу аспаптарының техникалық жай-күйін тексеру актісіне сәйкес жылу алмасу жабдығы жобаға сәйкес келмейді;

- автоматика бойынша сору жүйесіне құжаттар, ауа өткізгіш бойынша сызба-схема жоқ, сору-жеңдету жүйесінің бір жөнісі жұмыс істемейді;

- жерге тұйықтау хаттамасымен паспорт жоқ, электр қалқанында бір желінің схемасы жоқ, қабырғалық бір прожектор жоқ;

- спортзалда қыста суық, жаңбырлы ауа райында шатырдан су ағады. Мектепке өтетін жерде де шатырдан су ағып жатыр.

- құны 276 878 теңге тұратын сары майды бөлгіш қол құралы сатып алынбаған

«№31 мектеп-гимназия» КММ жапсарлас құрылыс:

- шатырды қоршау қарастырылмаған, 3-ші қабатта орналасқан, бір мезгілде 50-ден астам адам болатын акт залынан екінші эвакуациялық шығу жолы жоқ, мектептің периметрі бойынша өрт техникасына арналған айналма жол жоқ.

«№51 мектеп-гимназия» КММ жапсарлас құрылыс:

- кіреберіс сатысының плиткалары түсіп жатыр; акт залында орындықтардың сапасы қанағаттанарлықсыз;

- жаңбыр кезінде терезелер арасынан судың ағуы байқалады, қабырғаларында қабару іздері бар, едендерге сапасыз линолеум төселген, кейбір жерлерде плитус тақталары құлап жатыр;

- акт залының костюмдерінде тобенің құрылмасы құлап қалған, пандусқа арналған сүйеніштердің едендік бекіткіштері шығып кеткен, таяныштары тұрақсыз күйде, хроммен қапталған сүйеніш торларының сапасы төмен, сынулар мен саңылаулар бар, кейбір жерлерде қабырға сылақтарының түсуі байқалады.

«№57 орта мектеп» КММ жапсарлас құрылыс:

- ағынды желдету жүйесі жұмыс істемейді, жылу торабындағы айналым нашар, кабинеттерде терезе асты радиаторлары жеткіліксіз;

- компьютерлер ескірген үлгіде.

Жоғарыда баяндалғанның негізінде, Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы **ҚАУЛЫ ЕТТІ:**

1. Елорданың мектепке жапсарлас құрылыстарының проблемалық мәселелері туралы ақпарат назарға алынсын.

2. Нұр-Сұлтан қаласының әкімдігіне:

ағымдағы жылдың 20 тамызына дейін мүдделі мемлекеттік органдармен, мектеп директорларымен, техникалық және авторлық қадағалау ұйымдарымен келісім бойынша жұмыстардың аяқталу мерзімін корсетс отырып, мектепке жапсарлас құрылыстар бойынша анықталған ескертулерді жою жұмыстарының кестесін жасау;

салынған ғимаратты пайдалануға қабылдаудың жобалау кезеңінен бастап пайдалануға беруге дейінгі регламентін әзірлеу;

құрылыс салушының жаңа тұрғын үйлерді немесе шағын аудандарды жобалау кезінде кейіннен мемлекеттің сатып алуымен мектептер салуды жоспарлауын ескере отырып, құрылыс регламентін қайта қарау жөнінде ұсыныстар енгізу;

мүддені мемлекеттік органдар мен депутаттардың қатысуымен елорданың барлық мектептерін қажетті заң құжаттамасының бар-жоғына тексеру жөнінде жұмыс тобын құру;

қосымша құрылыстардың сапасыз салынуы туралы шағымдары бойынша мектеп директорлары мен «Нұр-Сұлтан қаласының Білім басқармасы» ММ-не берілген жауаптарына сәйкес мектепке жапсарлас құрылыстардың кемшіліктері бойынша жосықсыз құрылыс салушыларға, авторлық және техникалық қадағалау ұйымдарына қатысты қабылданған шаралар туралы ақпарат ұсыну;

ғимараттардың тозу пайызын анықтау үшін геология, жері, топырағы және т. б. ескере отырып, оң жағалаудағы барлық ескі мектептерді кешенді зерттеу жөнінде ұсыныстар енгізу;

Кирпичный тұрғын алабындағы мектеп құрылысы туралы ақпарат беру;

тапсырыс берушілердің теріс пікірлеріне қарамастан, білім беру объектілерін салу бойынша конкурстарға қатысуды жалғастырып отырған жосықсыз мердігерлерге қатысты мәселені реттеу бойынша ұсыныстар енгізу ұсынылсын.

3. «Нұр-Сұлтан қаласының Білім басқармасы» ММ мектепке жапсарлас құрылыстар бойынша ескертулер жойылғаннан кейін, тамыз айында депутаттардың қатысуымен осы құрылыстарды аралауды ұйымдастырсын.

4. Осы қаулының ұсынымдарының орындалуы бойынша ақпарат қалалық мәслихатқа бір ай мерзімде берілсін.

**Нұр-Сұлтан қаласы мәслихатының
әлеуметтік-мәдени даму мәселелері жөніндегі
тұрақты комиссияның төрағасы**



А. Табулдина